



REPUBLIKA E KOSOVËS - REPUBLIKA KOSOVA - REPUBLIC OF KOSOVO
KËSHILLI GJYQËSOR I KOSOVËS - SUDSKI SAVET KOSOVA - KOSOVO JUDICIAL COUNCIL
PANELI ZGJEDHOR PËR ANKESA DHE PARASHTRESA
IZBORNI PANEL ZA ŽALBE I PREDSTAVKE - ELECTION COMPLAINTS AND APPEALS PANEL

ZL. Anr.340/2025

Paneli Zgjedhor për Ankesa dhe Parashtresa (PZAP), i përbërë nga gjyqtarët Kymete Kicaj, kryesuese, Hidajete Gashi Alaj dhe Arsim Hamzaj anëtarë, duke vendosur lidhur me ankesën e Fevzi Beqiri, kandidat për asamble komunale në Komunën Mitrovicë Veriore, nga radhët e subjektit politik Lëvizja Vetëvendosje (LVV), me seli në Mitrovicë Veriore, të paraqitur kundër Komisionit Qendror të Zgjedhjeve (KQZ), për shkak të mungesës së votave, për Zgjedhjet Lokale në Republikën e Kosovës të mbajtura me datën 12 Tetor 2025, në seancën e panelit të mbajtur, më datë 27.10.2025, merr këtë,

V E N D I M

HEDHET E PASAFATSHME ankesa, ZL. Anr.340/2025 e datës 24.10.2025, e parashtruar nga ankuesi Fevzi Beqiri, kandidat për asamble komunale në Komunën Mitrovicë Veriore, nga radhët e subjektit politik Lëvizja Vetëvendosje (LVV), me seli në Mitrovicë Veriore, të paraqitur kundër Komisionit Qendror të Zgjedhjeve (KQZ), për shkak të mungesës së votave, për Zgjedhjet Lokale në Republikën e Kosovës të mbajtura me datën 12 Tetor 2025

A r s y e t i m

Me datë 24.10.2025, PZAP-i, ka pranuar ankesë nga Fevzi Beqiri, kandidat për asamble komunale në Komunën Mitrovicë Veriore, nga radhët e subjektit politik Lëvizja Vetëvendosje (LVV), në të cilën thekson se ka dyshime se i janë keqpërdorur votat si garues në zgjedhjet komunale në Mitrovicë Veriore, ku në bazë të votuesve të cilët kanë shprehur vullnetin e tyre që të më votojnë, e që votat e tyre nuk figurojnë, thekson parashtruesi në ankesë.

KQZ në përgjigjen në ankesë thekson se bazuar në nenin 101 të Ligjit Nr. 08/L-228 për Zgjedhjet e Përgjithshme në Republikën e Kosovës (LZP), Rregulloren Zgjedhore Nr.16/2024, Qendrat Komunale të Numërimit (QKN), Procedura e Veprimi në Qendrën Komunale të Numërimit për Zgjedhjet Lokale 2025, e miratuar më 01.10.2025, Nr.01/2601/2025, përcaktohet procedura e detajuar lidhur me procesin e numërimit në QKN. Rezultatet preliminare nga vendvotimet mund korrigjohen në Qendrën Komunale të Numërimit, në përputhje me paragrafin 3 të nenit 14 të Rregullores Zgjedhore Nr.16/2024 për Qendrat Komunale të Numërimit (QKN).

KQZ, ju njofton se, rezultatet përfundimtare të procesit zgjedhor, shpallen nga KQZ-ja pas përfundimit të numërimit të të gjitha fletëvotimeve nga vendvotimet e rregullta; fletëvotimeve nga votimi me kusht; fletëvotimet nga votimi i personave me nevoja të veçanta; fletëvotimeve nga votimi jashtë Kosovës; vendosjes për ankesat eventuale nga PZAP dhe Gjykata Supreme dhe pas përfundimit të të gjitha procedurave në QNR, ku rezultati i publikuar është i ankimeshëm nga subjekte politike dhe kandidatët të cilët kanë pretendime në raport me numërimin e votave të tyre,

Pra, në momentin e publikimit të rezultateve përfundimtare nga KQZ-ja, palët e pakënaqura në pajtim me nenin 105 të LPZ, pala mund të ushtrojnë ankesë në afatin brenda dyzet e tetë (48) orëve në PZAP.

Andaj, pas analizimit të lëndës është vërejtur se pala ankuese ankesën e ka paraqitur jashtë afatit ligjor për paraqitjen e ankesës, sepse aktiviteti i QKN-së në komunën e Mitrovicës së Veriut është përmbyllur me datën 15.10.2025, ndërsa pala ankesën e ka parashtruar me datën 24.10.2025. Pra nuk është brenda afatit ashtu siç parashihet me nenin 105, paragrafi 1 të Ligjit për Zgjedhjet e Përgjithshme në Republikën e Kosovës. Ankesat lidhur me administrimin e numërimit në QKN dhe QNR, dorëzohen me shkrim pranë PZAP-së brenda dyzet e tetë (48) orëve nga ndodhja e shkeljes së supozuar.

Sa i përket pretendimeve të palëve ankuese që mbështeten në deklaratimet e personave, duhet theksuar se, në kuptim të nenit 4 paragrafi 1.3 të Ligjit për Zgjedhjet e Përgjithshme, liria dhe fshehtësia e votës janë të garantuara, Publikimi i votës cenon këtë parim dhe shpërfaq vullnetin e votuesit.

PZAP-i, pasi që shqyrtoj dhe vlerësoi ankesën dhe përgjigjen në ankesë ka gjetur se:

Ankesa është e pasafatshme

Paneli pas shikimit të shkresave të lëndës, pretendimeve ankimore si dhe përgjigjes në ankesë të KQZ-së, vlerësoi se pretendimet në ankesën e Fevzi Beqiri nga radhët e subjektit politik Lëvizja Vetëvendosje (LVV), me seli në Mitrovicë Veriore, se ka dyshime lidhur me keqpërdorimin e votës së tij si garues në zgjedhjet komunale në Mitrovicën e Veriut, dhe se pala bazohet te votuesit të cilët kanë shprehur vullnetin e tyre për të votuar e votat e tyre nuk figurojnë, për zgjedhjet lokale në Republikën e Kosovës, të datës 12 tetor 2025, është e parashtruar pas afatit të përcaktuar ligjor. Pasi që sipas dispozitën e nenit 105 paragrafi 1, në mënyrë decitive parashihet se *”Ankesat lidhur me administrimin e numërimit në QKN dhe QNR, dorëzohen me shkrim pranë PZAP-së brenda dyzet e tetë (48) orëve nga ndodhja e shkeljes së supozuar,”* të Ligjit Nr. 08/L-228 për Zgjedhjet e Përgjithshme në Republikën e Kosovës.

Me dispozitën e nenit 9 paragrafi 5 të Rregullores Nr. 01/2025 për Procedurat e Parashtrimit dhe Vendosjes së Ankesave të PZAP-it, parashihet që *“ Personi mund të paraqes ankesë në PZAP, brenda dyzet e tetë (48) orëve për shkeljet e pretenduara”, dhe në nën paragrafin 5.16. parashihet që “Për shkeljet e pretenduara gjatë procesit të administrimit dhe numërimit në QKN dhe QNR”.*

Neni 13, paragrafi 3, nën paragrafi 3.2 i Rregullores Nr.01/2025 për Procedurat e Parashtrimit dhe Vendosjes së Ankesave të PZAP-it, parasheh që: *“PZAP-i e hedhë ankesën kur vlerëson se ajo nuk është dorëzuar në afatin e paraparë ligjor.”*

Andaj në rastin konkret Paneli vlerësoi se parashtruesi i ankesës ka dorëzuar ankesën në PZAP me datë 24.10.2025, ku ka pretenduar se ka dyshime lidhur me keqpërdorimin e votës së tij si garues në zgjedhjet komunale në Mitrovicën e Veriut, ndërsa nga të dhënat zyrtare, e po ashtu edhe nga përgjigja e KQZ është vërtetuar se aktiviteti i QKN-së në komunën e Mitrovicës së Veriut është përmbyllur me datën 15.10.2025, me çka vërtetohet se ankesa e ankuesit është paraqitur pas nente ditëve respektivisht nuk është paraqitur brenda afatit ligjor siç parashihet me nenin 105, paragrafi 1 të Ligjit për Zgjedhjet e Përgjithshme në Republikën e Kosovës, andaj dhe të njëjtën Paneli e ka hedhur si të pasafatshme.

Nga arsyet e theksuara më lartë dhe duke u bazuar nenin 105 paragraf 1 i LZP-së, nenit 117 paragrafi 3, dhe nenit 118 paragrafi 1 të Ligjit Nr.08/L-228 Për Zgjedhjet e Përgjithshme në Republikën e Kosovës lidhur me nenin 9 paragrafi 5 nën paragrafi 5.16, nenin 13, paragrafi 2, neni 13 paragrafi 3 nën paragrafi 3.2 të Rregullës 01/2025 për Procedurat e Parashtrimit dhe Vendosjes së Ankesave, paneli vendosi si në dispozitiv të këtij vendimi.

PANELI ZGJEDHOR PËR ANKESA DHE PARASHTRESA
ZL.Anr.340/2025 datë 27.10.2025



Këshillë Juridike: Kundër këtij vendimi është e lejuar ankesa sipas nenit 118 paragrafi 4 të LZP-së, në Gjykatën Supreme të Republikës së Kosovës, brenda dyzet e tetë (48) orëve nga momenti i marrjes-pranimi të këtij vendimi.